

Stock split (razdvajanje akcija)

Stock split je korporativna odluka kojom kompanija **povećava broj svojih akcija** tako što svaku postojeću akciju „razdvoji“ na više manjih.

Cijena po akciji se smanjuje, ali **ukupna vrijednost ulaganja i tržišna kapitalizacija ostaju iste**, kao kada isti kolač isječete na više parčića.

Ako imate 1 akciju vrijednu 100 USD, nakon **2-za-1** split-a imaćete 2 akcije po 50 USD. Vrijednost vašeg ulaganja ostaje ista.

Kompanije se odlučuju na stock split kako bi povećale **dostupnost i likvidnost** svojih akcija jer niža cijena po akciji čini ih privlačnijima većem broju investitora i olakšava trgovanje. Istovremeno, tu je i **psihološki efekat** jer niže cijene djeluju pristupačnije iako se stvarna vrijednost kompanije ne mijenja.

Osim toga, stock split ne mijenja ni vlasnički udio investitora, već samo broj akcija i njihovu pojedinačnu cijenu.

Suprotan proces je **reverse split**, kod kojeg se više akcija spaja u jednu kako bi se povećala cijena što je često signal finansijskih poteškoća kompanije. Reverse split se obično sprovodi kada **cijena akcije previše padne**, a kompanija želi da je formalno poveća bez stvarnog rasta vrijednosti. Time se često nastoji **izbjeci delisting s berze**, jer većina berzi zahtijeva minimalnu cijenu akcije (npr. 1 USD).

U junu 2024. godine **Nvidia** je sprovela **10-za-1 split** gdje je cijena akcije pala sa oko 1.200 USD na 120 USD, ali je vrijednost ulaganja ostala ista.